



H131.2

1

奏摺

順天府府尹 臣 游百川跪

奏爲代進前戶部主事解經之書恭摺仰祈

聖鑒事竊維爲學莫先於研經而著書尤貴乎析義

臣 籍隸山東稔知同鄉前戶部主事郝懿行所

著春秋說略十二卷春秋比二卷爾雅義疏十



九卷山流

一卷積點

念春秋

訓詁之

曲引旁

山海經

欲事刊疏繆辭取雅馴既富摻羅復精辨覈可
謂殫心典籍無愧通方該主事係山東棲霞縣

廩膳生乾隆丙午優貢戊申舉人嘉慶己未進

士戶部江南司主事髫齡勵志皓首窮經迹其

成書有裨實學今其孫現任順天府東路同知

郝聯薇收存原稿校繕成編

臣

謹代進呈以備

採納伏察康熙年間胡渭進禹貢錐指乾隆年間顧
棟高進春秋大事表均蒙

聖祖仁皇帝

高宗純皇帝錫以嘉予摻入

四庫今郝懿行所著等編儻蒙

皇上典學之餘

俯賜乙覽則儒生稽古之榮當與胡渭顧棟高並傳
於藝苑矣謹將裝成書三函計十六本恭摺隨
同上進伏乞

皇太后

皇上聖鑒謹

奏

爾雅義疏序



學者有志治經必先明古字古言古字者倉頡古文及籀文也古言者三代秦漢所讀之音與今不同也自隸書行而古字漸亾六朝以後之韻書出而古言漸亾就晚近之心思耳目求往古之制度文教以致微茫沈晦始逾千載恭逢

盛世經學昌明則有傑出之士綜易詩離騷凡漢以前有韻之文皆得本音而別其部居明其通段日積月久相與引申復有通儒就許書所存之古籀又博采自古

鍾鼎遺文以始一終

俗儒以爲模黏影響

者斯能訓故通而五

爲釋詁文多舊分一

釋言通古今之字士

義但疏詁訓二字之

全則爾雅尙有序第

梯航也然至唐代但

邢氏作疏但取唐人

隆閒邵二雲學士作

郭然後郭注未詳未

於旁皇周浹窮深極遠也迨嘉慶閒棲霞郝戶部蘭皋
先生之爾雅義疏最後成書其時南北學者知求於古
字古言於是通貫融會諧聲轉注段藉引端竟委觸類
旁通豁然盡見且薈萃古今一字之異一義之偏罔不
搜羅分別是非必及根原鮮逞胸臆蓋此書之大成陵
唐躒宋追秦漢而明周孔者也翔鳳咎在嘉慶辛未滯
迹京邸始識先生時接言論每致商榷輒付掌錄不以
前脩而輕後生時所纂山海經箋疏不涉荒怪而惟求
實是已行於世爾雅則未卒業一官不達九原難起後

於湘中得太傅阮公所輯經解
制府陸公單行其書與阮本無異
以校阮陸兩本多四之一或云
渠先生手或云他人所刪而嫁
必合眾家之議前此者未必是
者求其本根不立門戶同歸康
君之本而爲流播於時剗剗僅
心耘始續成之而後郝氏一家
也咸豐六年八月後學長洲宋

爾雅義疏

二十卷

明陳大猷

序



爾雅郭注義疏上之一

釋詁弟一

釋者說文云解雅之作主於辨

俱曰釋

焉詁者說文云訓

十口識前言者也釋文引

異語也然則詁之爲言故

故亦通作古釋文詁兼古

巡本釋詁作釋故詩周南

皆爲釋故說文言部引詩

訓詩烝民云古訓是式恭

訓竝字異而義通矣此篇

舉古言釋以今語其閒文

諸家增益用廣異聞釋言

初哉首基肇祖元胎俶落穰

又曰俶載南畝又曰訪予落止又曰胡不承權與胚胎
未成亦物之始也其餘皆義之常行者耳此所以釋古
今之異言通
方俗之殊語

此釋始之義也說文云始女之初也釋名云始息也
言茲息也按始與治通書云在治忽史記夏紀作來
始滑漢書律厯志作七始詠是始治通也初者裁衣
之始哉者草木之始基者築牆之始肇者開戶之始
祖者人之始胎者生之始也每字皆有本義但俱訓
始例得兼通不必與木義相關也初旣訓始觀禮及
檀弓注又訓故者故亦古也古亦始也始與治通故
下文又云治故也哉者才之段晉說文云才艸木之
初也經典通作哉尙書大傳云儀伯之樂舞鬢哉詩
云陳錫哉周鄭俱以哉爲始也郭注下文茂勉引大
傳茂哉茂哉釋文或作茂才書云往哉汝諧張平子
碑作往才汝諧哉生魄晉書夏侯湛傳作才生魄是
才哉古字通又通作載陳錫哉周左氏宣十五年傳
作陳錫載周書載采采史記夏紀作始事事詩載見

辟王傳亦云載始也是載哉通爾雅釋文哉亦作栽
中庸栽者培之鄭注栽讀如文王初載之載栽或爲
茲茲栽哉古皆音同字通也首者與鼻同意方言云
鼻始也畧之初生謂之鼻人之初生謂之首是首鼻
其義同特言此者人生之始首鼻居先也胎者一切
經音義一引爾雅舊注云胎始養也漢書枚乘傳云
福生有基禍生有胎服虔注基胎皆始也通作始詩
始及公子同歸傳始始也釋文始始作迨始也爾雅釋
文胎孫炎大才反本或作台是台迨始俱胎之段音
矣俶者說文云始也又土部塚一曰始也則其義同
釋名云荊豫人謂長婦曰孰孰祝也祝始也是孰與
俶音義又同也落者詩訪予落止逸周書文酌篇云
物無不落毛傳及孔晁注竝云落始也落本頌墜之
義故云俎落此訓始者始終代嬗榮落互根易之消
長書之治亂其道胥然愚者闇於當前達人燭以遠
覽落之訓外又訓始名若相反而義實相通矣權輿
者廣雅疏證以爲其萌蘗蒨之段音則與才落義皆
相近詩不承權輿文酌篇云一榦勝權輿周月篇云

日月權輿大戴禮詒志篇云百草權輿皆以權輿
文古書多段偕今略為標舉如基肇祖三字俱訓
始詩夙夜基命禮孔子閒居基命作其命書丕丕基
漢石經作不其儀禮士喪禮注古文基作期是期
其通基也肇乃畢之段晉說文畢始開也詩后稷肇
祀禮表記作兆祀是兆肇通畢也祖古金石文字作
且書黎民阻飢史記集解據今文尙書作祖飢索隱
據古文作阻飢詩六月徂暑箋徂猶始也是徂阻通
祖矣凡聲同之
字古多通用

林烝天帝皇王后辟公侯君也

詩曰有王有林又曰文

詩書

說文云君尊也儀禮喪服傳云君至尊也鄭注天子
諸侯及卿大夫有地者皆曰君逸周書諡法篇云賞
慶荆威曰君從之成羣曰君白虎通云君羣也羣下
之所歸心也然則君之言羣凡羣衆所歸皆謂之君

矣林烝者衆也又訓君者衆之所歸斯謂之君與君
羣義同也林者詩有王有林毛傳用爾雅楚辭天問
篇云伯林雉經王逸注及漢書律厯志竝云林君也
烝者釋文云本又作蒸蒸烝古字通詩文王烝哉毛
傳烝君也釋文引韓詩云烝美也美與君義亦近凡
臣子於君父以美大之詞言之故皇謂之大亦謂之
美亦謂之君烝謂之衆亦謂之美亦謂之君凡有數
義而皆通斯爾雅諸文之例也不明乎此則窒矣林
亦盛大之詞與烝同意故平都相蔣君碑云於穆林
烝以二字連文其義與單文同也天與帝亦訓爲君
者天帝俱尊大之極稱故臣以目君焉易說卦云乾
爲天爲君左氏宣四年傳云君天也鵬冠子道端篇
云君者天也是皆以君爲天之證古者稱君或言昊
天或言天王或言天子其名異其實同也說文云帝
諦也王天下之號也風俗通引書大傳云帝者任德
設刑以則象之言其能行天道舉錙審諦諡法篇云
德象天地曰帝是帝本天之號又爲王者之稱故詩
上帝板板上帝甚蹈毛傳皆以上帝爲王矣皇者說

文云大也从自自始也始皇者三皇大君也謚法篇
云靜民則法曰皇詩有皇上帝毛傳皇君也凡詩之
皇尸皇祖士昏禮之皇舅士虞禮記之皇祖鄭皆以
皇爲君也王者說文云天下所歸往也風俗通引書
大傳同謚法篇云仁義所在曰王仁義所在是卽民
所歸往也王與皇同意故春秋繁露云王者皇也書
建用皇極洪範五行傳作建用王極皇王其義同也
后者說文云繼體君也周禮量人營后宮禮記內則
后王命冢宰鄭注竝云后君也釋文引孫炎云后王
君王也辟者下文云法也此訓君者君爲人所法也
人所法爲君猶人所歸往爲王矣詩內辟字毛鄭多
訓爲君書馬鄭注義亦同也公侯者列國之君也故
釋名云公君也君尊稱也周禮牛人掌公牛巾車掌
公車鄭注竝云公猶官也史記孝文紀索隱曰官猶
公也然則公亦爲官官亦爲公反覆相訓義得兼通
公官又一聲之轉故廣雅云官君也是官亦稱君矣
侯者詩云洵直且侯侯文王孫子謹爾侯度毛鄭竝
云侯君也羔裘釋文引韓詩云侯美也又訓美者與